

## Sezonu w zahrodźe klóštra zahajili

Do themu rjadej štomow lěta, kotrež mjeztym w Lipju w Pančicach-Kukowje nadeńdžeš, je wčera popołdnju daši k tomu přišo. We wobłuku zahajenja sezony sadźichu tam pólny klon.

Pančicy-Kukow (SN/MWj). Po kónčkoj-tym klonje 1995 a hórskim klonje lěta 2009 je pólny hižo třeci klon, kotryž nětko přirodu w Lipju wobohaća. Tele a hišće dalše zajimawostki zhonichu wobdźělnicy kóždolětnje sadźenskeje akcije při klóšterskej muri wot nawody hornjo-lužiskeho lěsnistwoweho wobwoda Holma Karraša. Sadźili su štom wčera zastupjerje Budyskeje a Drježdźanskeje wokrjesneje lutowarnje Brigitte Richter a Helmar Frei, zapóslancaj zwjazkowego sejma a Sakskeho krajneho sejma Marja Michałkowa a Alojs Mikławšk (wobaj CDU) a abatisa Philippa Kraft.

Mjeztym zo w klóšterskej zahrodźe wjacori wikowarjo předewšěm najwšelakorije rostliny za zahrodu a balkon poskičachu, wotewrěchu w lodowej pincy

dwě wustajeńcy. K přehladce fotografijow wo nošerkach wšědneje narodneje drasty rjekny nawodnica Budyskeho Serbskeho muzeja Christina Boguszowa, zo su „wobrazy Maćija Bulanka homage na njenapadne rjekowki wšědneho dnja, kotrež su sej najebać wšitke čeze swoje žiwjenske wjeselo, swoju bohobojaznosć a swoju lubosć k domiznje wobchowali“. Mnozy wopytowarjo móžachu z wobrazami dožiwjenu stawizničku zwjazać, kaž jednaćel CSB Peter Neunert, kiž bě jako dźěčo na putnikowanjach do Róžanta tež pola Frencler maćerje zažohl a sej kołbasku a limonadu popraš. Tež wona je we wustajeńcy zwobraznjena.

Hnydom w susodstwie nadeńdu lubowarjo listowych znamkow pokazku předewšěm z přirodnymi motiwami. Sobu zestajal je ju serbski filatelist Jörg Petrenc, pokazowacy ze swójskeje zběrki někotre drohoćinki, mjez druhim serbsku listowu znamku wokoło lěta 1920. Wotewrjenje wustajeńcow je Měrćin Weclich hudźbnje wobrubil.



Alojs Mikławšk, Helmar Frei, Marja Michałkowa, abatisa Philippa Kraft a Brigitte Richter (wotlěwa) sadźichu wčera w Lipju w Pančicach-Kukowje pólny klon jako štom lěta.

Foto: Marian Wjeńka